



Inatsisartunut ilaasortaq
Debora Kleist
Inuit Ataqatigiit

§ 36 naapertorlugu apeqqummut innarluutilinnut tunngasumut nr. 2010-14-imut akissut

Innarluutillit pillugit apeqqtinnut Naalakkersuisut qujapput. Apeqqutitit ima akineqarput:

Apeqqut 1: Inuusuttut inersimasullu innarluutillit immikkut ittumik atuartinneqartarnerat siunissami pitsaanerumik ataqatigiissaakkamik ingerlalersinnaaqullugu Naalakkersuisut qanoq pilersaaruteqarpat?

Akissut: Atuartitsineq pingaartumillu aaqqissuussaasumik tapersersorteqartitsineq atuartitsinerlu eqqarsaatigalugit kommunit inatsisit atuuttut naapertorlugit sunik pisussaaffeqarnerannik Naalakkersuisut erseqqissaanialersaarput. Takukkit Kulturikkut ingerlatsineq sunngiffimmilu sammisassaartitsineq pillugit Inatsisartut peqqussutaanni nr. 10-mi, 21. maj 2002-meersumi § 12, aamma Piginnaanngorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, Piginnaanngorsaaqqinnissamut ikiorsiisarneq pillugu Inatsisartut inatsisaatigut nr. 3-kkut, 1. juni 2006-imeersukkut allanngortinneqartoq.

Apeqqut 2: Inuusuttut meeqqat atuariannik naammassinnereermanni inuusuttut ilinniagaqarfiini allani malinnaasinnaanngitsut ukiuni pingasuni arlaqartuniluunniit ilinniakkamik ingerlatsisinaanissamut inatsisitigut pisinnaatinneqalernissaat qulakkeerniarlugu Naalakkersuisut qanoq pilersaaruteqarpat?

Akissut: Erseqqissaatigineqassaaq inuusuttut inersimasulluunniit innarluutillit immikkut pisariaqartitsisut innarluuteqanngitsutulli inatsisitigut inissisimmata, aamma inuusutissarsiornermut ilinniartitaanermullu tunngatillugu. Taamaattumik inatsimmi tunngaviuvoq tamatuminnga pisariaqartitsisut tamarmik sapinngisamik innuttaasutut allatulli inuuneqarnissamut tapersersorneqassasut. Naalakkersuisooqatigiinnissamik isumaqatigiisummi siunertaasut naapertorlugit Naalakkersuisut suliaasaqarfimmi inatsimmik atuuttumik naliliinialersaarput, pineqartumi inatsisilioqqinnissap naapertuunnissaata naliliiffiqineqarnissaa siunertaralugu. Aamma takuuk Piginnaanngorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, Piginnaanngorsaaqqinnissamut ikiorsiisarneq pillugu Inatsisartut inatsisaatigut nr. 3-kkut, 1. juni 2006-imeersukkut allanngortinneqartoq.

1. februar 2010
Sagsnr. 2010-024961
Dok. Nr. 302515

Postboks 1029
3900 Nuuk
Tlf: +299 34 50 00
Fax: +299 32 20 73
Email: kiin@gh.gl
www.nanoq.gl

Apeqquut 3: Inersimasut inuusuttullu timikkut tarnikkulluunniit pisinnaasakinnerusut immikkut ittumik atuartinneqarsinnaanerit allatigullu sapinngisamik inuuffigisaannut qanittumi immikkuullarissumik pædagogiskiusumik ikiorserneqarsinnaanerannut Naalackersuisut qanoq iliuuseqalersaarpat?

Akissut: Kommunit suliassamik taassuminnga isumaginninnissamut pisussaaffeqareerput. Taarsiissutitut atuartitsineq assigisaalu eqqarsaatigalugit kommunit inatsisit atuuttut naapertorlugit sunik pisussaaffeqarneri pillugit Naalackersuisut erseqqissaanialersaarput, sunngiffik pillugu peqqussut qulaaniittoq naapertorlugu.

Apeqquut 4: Inatsisitigut periarfissaqarluaraluartoq innarluutilippassuit ilaqutaallu siusinaartumik soraarnerussutisiaqalersarput imaluunniit atuartinneqaratik, ilinniartinneqaratik sulisinneqaratillu. Kommunalbestyrelsip immikkut ittumik atuartitsinermut neqerooruteqarnissamut pisussaaffeqarnerata erseqqissaavigineqarnissaanut Naalackersuisut qanoq iliuuseqarnialersaarpat, qanorlu inuit taakkua pineqartut immikkut ittumik atuartinneqarnissaminnut qinnuteqarpata taava kommunimi aningaasaqarnek pissutigalugu itigartinneqannginnissaat kinguartinneqannginnissaallu qulakkeerneqassava.

Akissut: Ilaatigut siunnersuisarnek, ilitsersuisarnek, atuartitsineq, piginnaanngorsaaqqinneq il.il. eqqarsaatigalugit inatsit atuuttoq naapertorlugu kommunit sunik pisussaaffeqarnerinik Naalackersuisut erseqqissaanialersaarput. Takuuk Innarluutillit ullumikkut atuartinneqarnissamut, ilinniartinneqarnissamut suliffeqarnissamullu periarfissaat tamatumunngalu aporfissat pillugit nalunaarussiaq. (Ilaqutariinnermut Peqqissutsimullu Naalackersuisoqarfik aamma Kultureqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfik, April 2009.)

Apeqquut 5: Ilulissani specialcenterimut qinnuteqartut utoqqaanerit atugaasa pitsaanngorsaaavigineqarnissaannut qulakkeerisussamik Naalackersuisut qanoq pilersaaruteqarpat?

Akissut: Atuartut Ilulissani immikkut annertuumik atuartinneqarnissamik pisariaqartitsisut nunap sinneranitulli aalajangersakkanik taakkununngaqqissaaq aamma malinnittussaapput. Ilulissat kommunerisimasaatali immikkut annertuumik atuartitsinerup atuarfimi pinnani allamut immikkut sullissivimmik taaneqartartumut (specialcentret) immikkoortinneqarnissaa toqqarsimavaa. Kommunip assersuutigalugu sunngiffik pillugu inatsit aqutigalugu atuartunik specialcenterimi atuartitsisusaanerup saniatigut atuarfimi immikkut annertuumik atuartitsinermi perorsaaniikkut atugassaqartitsiviusutulli atuartunik atuartitsinissaanut akornutissaqanngilaq. Atuarfik Mathias Storchimik iluarsaanissamik pilersaarusiormi immikkut annertuumik atuartitsinermut atuartunut atuartussaataitaasunut inissaqartitsinissaq pingaartinneqarpoq. Kommunilli atuarfik pillugu Inatsisartut peqqussutaat nr. 8, 21. maj 2002-meersoq naapertorlugu immikkut atuartitsinissaminnik suli namminneq aaqjissuussinnaallutillu piareersaasinnaapput.

Innarluutilinnut tunngasut tamarmik, PPR immikkullu atuartitsineq 1. juli 2010-mi kommuninut nuunneqartussatut pilersaarutaapput, tamatuma kingorna kommunit pineqartut najukkami pisariaqartitsineq, kissaatigineqartut naatsorsuutigineqartullu malillugit innarluutilinnut tunngasunik tamarmiusunik piareersaanissamut aaqjissuussinissamullu periarfissaqaqqilissallutik.

Naggasiullugu oqaatigineqassaaq 2010-mi ukiakkut atuarfimmik naliliisoqassammat, tassani aamma immikkut annertuumik atuartitsineq naliliinermi sammisatut ilaassalluni. Tamatuma saniatigut 2010-mi sunngiffik pillugu inatsisip iluarsaanneqarnera aallartinneqassaaq, innarluutillillu periarfissaasa aamma naleqqussaavigineqarnissaat Naalackersuisut naatsorsuutigaat. Aammattaaq atuartut inissaasa ilaasa siunissami atuortoqalertarnermut atatillugu atuartunut immikkut pisariaqartitsisunut inniminnerneqartalernissaat Naalackersuisut sulissutiginialersaarpaat.

Inussiarnersumik inuulluaqqusilluta

Mimi Karlsen